


津田文庫  
文庫 1  
1521  
40



第一冊  
第二冊  
第三冊  
第四冊  
第五冊  
第六冊  
第七冊  
第八冊

國朝  
國朝  
國朝  
國朝  
漢宗梁周  
唐宗  
補遺

010190607777

名臣四六奏章

# 龍威秘書

六集 大酉山房

行厨留青等集陳陳相因奏疏略及條陳殊非體要  
夫喜起廢歌權輿虞代下及漢世雍容揄揚宣上德  
而盡忠孝不可闕也茲集托始拜賜而奉揚雪樹臺  
萊絮酒侯鯖等集以次付梓揔曰金膏聊資渲染

石門馬俊良嶸山氏識

男珮愉

姪孫蕃

全校



國朝麗體金膏卷一

拜鵬集

擬

刁在文庫

吳綺

上以董其昌字詒賜內院諸臣謝表

順治十三年

擬浙江大兵平大蘭山土寇舟山逆賊捷報露

布

吳綺

平蜀頌

有序

尤侗

平滇頌

有序

尤侗

康熙四十四年四月初九日

麗體金膏卷一目

全

皇上南巡駐蹕西湖行宮

恩賜御書恭紀

章藻功

瀛臺賜宴詩序

陳維崧

進

呈類函表

張英等

謁

陵表

鄭王臣

四庫全書告成表

進

多羅質郡王等

擬

吳綺

上以董其昌字帖賜內院諸臣謝表

順治十三年伏以紫

極昭文大啟琅函之秘黃扉渥寵宏敷寶笈之

華閣異代之幽光成

熙朝之盛典輝騰東壁澤賁西清

臣等誠惶誠恐稽

首頓首上言竊惟河洛呈圖始代結繩之政嶙

峴作篆用垂勒石之文蒼頡之列三家象猶蚪

蚪宜尼之題十字體創麒麟增減迺及八分神

妙名傳三品然枕中得訣只傳習於專家几上

壇臺未稱奇於秘閣。昭陵玉匣二百幾十紙。脩  
禊亭不落人間。長壽珍函三百十七篇。文選樓  
僅存天上。用拙臺而自免。幾同庭草春悲。補戈  
法以逼真。未見筆花宵糜。古肥今瘦。爭愛鷺以  
忘鷄。晉畫唐摹。半紫蛇而縮蚓。坐魯公之池畔。  
誰憐正氣於叙。痕刻蔡氏之樓中。但憫遺踪於  
瓦礫。米顛振袖。僅聞誇異於一時。劉泊登牀。反  
致貽譏於千載。未有異代還叨夫。真賞同官共  
被乎隆恩。如今日者也。茲蓋伏遇

皇帝陛下。道契昭符。勳高鏤玉。虞廷受籙。得十六字  
以傳心。周室迎丹。撫億萬年而立極。崆同訪學。  
探妙緒於西山。姑射凝神。動文思於甲帳。偶因  
萬幾之清暇。旁求六藝之遺文。爲先臣董其昌  
者。地擬陸機。少登翰苑。遇同蘇軾。老踐容臺。當  
度壁之昨。雍振鍾王之風。雅墨池波濺。早窺大  
令十三行。筆陣雲橫。自得長史十二。迷罵米邢。  
以獨上掩文。祝而前驅。西蜀元亭。久下門生之  
淚。終南紫石。仍留故老之踪。開卷宛然。嘉歎屢

聞於樞筵被函爛若恩榮遂及於槐廳字玕琬  
琰出秘府而愈奇軸等縹緗得

宸章而益煥携來芸閣未損松鉛歸映藜窓獨高油  
素昔李斯云邈歷漢代而方珍逸少雖傳遇唐  
宗而始重以今方古寧誇飛白之笏自上及卑  
益重渥丹之感臣等窮非薦福博愧雕蟲慕筆  
諫於公權久勒正心之訓做遺箴於太史慙無  
運掌之功幸際昌期恭逢雅賚策因稽古敢比  
柳直顏忠遇忝同時竊附臯颺益贊伏願

文放乎奎決取諸夬鑊鼎繼夏禹之業銘毫揚周  
武之心以惜墨者惜財而無朋不正以畫沙者  
畫法而有印皆同則永茲金甌四海奉十華之  
帙長熙玉燭千秋炳八會之篇矣臣等無任瞻  
天仰聖激切屏營之至謹奉表稱謝以聞

擬浙江大兵平大蘭山土寇舟山逆賊捷報露

布

延陵 吳 綺 茵次

臣聞玉弩垂芒九地失負嵎之險瑤階舞戚四  
瀛銷吐霧之妖日月所臨有容光而必照雷霆  
下擊無負固而不靡干戈揚

天子之威鐘鼓送  
聖人之喜恭惟

皇帝陛下天挺英姿神授偉略元雲入戶奉寶錄於  
丹陵綠錯昇壇得瑤圖於翠渚榮露下竹葦之



澤薄柱海以敷文蕭雲垂芝草之華馨水天而  
服武塗山禹會已集萬國之共球蒲版堯衢自  
靜九重之樽俎蠢茲浙寇敢悖天常肆虐金峩  
輒奮九頭之暴舒凶赤堇久羈一面之誅始猶  
覺構魚書遁蒼岷而伏莽終則怒迴螳臂依碧  
障而憑叢踪幾類於黃巾蔓欲同乎綠線兼之  
鬻背爲帆通孫恩於扈瀆鰲身弄楫連楊泰於  
鼎湖出沒蛟門憑陵虎嘯山倚海接相爲犄角  
之形水借陸援用逞連拳之勢遂使曹娥江上

估客盡棄桃枝嚴子岳中隱士難安桂樹屐殊  
康樂寧煩孟顛之疑戈挺盧循屢致王凝之變  
臣等敢承

廟算廣布

皇靈方傳壘而呼冀道揚旗之罪乃揮戈而舞仍矜  
拒轍之能犬旣敢於吠仁虎愈威于服猛遂乃  
應變出奇潛師制勝躡懸車之嶺暗搗腹心陟  
束馬之巖平分牙爪氣衝南斗輝煌赤劍之芒  
影滅西郊變幻元雲之陣始於夏關之地殲厥

兇鋒繼于斗門之區躡其堅壁焚骸積阜幾成  
京觀之風殘息登高更切守陴之哭爰於某日  
遂破大蘭山土寇某者羊頭巨鏃并穿袁尚之  
顛龍尾神環爭斷蚩尤之背血被原而成赭何  
言雁宕千尋屍伏地而流丹遂滿山陰萬壑而  
逆賊某等或以干城舊將爲背地之陳稀或以  
島嶼遊魂作圍危之道覆猶爾遷延重地窺伺  
巖疆臣等益奮天聲嚴伸大討乘屏翳之効靈  
值馮夷之助順樓船萬艘還興橫海之師戈甲

千重共合昆明之戰鯨波夜湧笑鼉令之浮屍  
蜃氣朝昏繫呂嘉而授首鬼方迷於入穴鳥乃  
歎於焚巢惟此舟山者去浙水纔有兩湖藏沃  
野寧惟千頃咽喉吳越煩南慮者十年襟帶閩  
畚結隱憂者數省獲茲全勝遂據要衝凡皆遙  
稟乎神謀故致奏功於師武資其甲仗不煩武  
庫之兵藉彼餼糧可上金城之策斷上流之奔  
逸勢若建瓴作東越之屏藩雄如列嶂遠人歸  
化皆言水不揚波慈客迎仙益見山無匿影矣

臣等無任懼悚踴躍之至謹奉露布以聞

平蜀頌有序

長洲尤侗悔菴

臣聞虞階舞羽嘗格三苗周室櫜弓猶遷多士  
維九夏之奄有彼一隅其幾何五丁武擔已受  
秦擒百部斯榆旋遭漢滅公孫躍馬難逃建武  
之師諸葛臥龍終下征西之檄矧茲寇狡豈敵  
天威伏惟

皇帝陛下

宣作聰明

布昭神武制度則為章雲漢敷納則若決江河午

朝聽政而兵農禮樂之咸熙乙夜觀書而雅頌  
典謨之畢備丹文綠字廷多講藝之官彤馬朱  
軒道有懷荒之使黃皮烏弋梯山航海而來紫  
脫華萃并柯共穗以獻固已幽都賜谷悉入版  
圖孽尾昆虫均沾

閭澤何意鴟音未革鷹眼仍颺聚蛾黨以磐牙煩  
羽林之擐甲如叛賊吳三桂者本為亡國遊魂  
竊附

新朝佐命因其倒戈而崩角遂使裂上而苴茅不思

卯翼之恩輒萌覬覦之志公然抗令肆爾稱兵  
初興六詔之戎竟踞三巴之險碧鷄金馬忽起  
長鯨鳥道蠶叢橫行封豕長沙青草漸成伏莽  
之場西峽黃牛浸作負嶠之窟乃至憑陵四塞  
煽動三方招百粵為連鷄引八閩為犄角助其  
跋扈播我邊疆幸二豎之投誠痛獨夫之怙亂  
尙縵防風之戮終干

上帝之誅

皇帝赫斯一怒率止四征既卜日以禡師復鑿門而

遣將鬼方之克期以三年獯豸之攻急于六月頃  
者霍家驃騎直抵岳陽繼而楊僕樓船遠通彭  
蠡綸巾羽扇一摩雲夢之煙盧矢彤弓大破瀟  
湘之竹然而欃槍未埽妖見旄頭車轍載馳蠶  
餘蝗臂豈真夜郎自大惟恃蜀道方難倚劔閣  
之千尋一丸可塞擁瞿塘之三峽百丈空壘長  
封玉壘之關陡絕連雲之棧但思巫嶺帝子夢  
遊誰料陰山將軍飛渡

皇帝獨持廟筭廣集邊籌親推矯矯之臣密授堂堂

之陣將軍臣王進寶三秦豪傑重生景畧之才  
提督臣趙良棟九枝便宜素具金城之策高崇  
文之智畧允足驅劉王全斌之威名雅堪馘孟  
李流遺孽匹馬能驅杜宇殘疆尺箠可下于是  
斜穿褒谷暗度陳倉越大散以屯營過七盤而  
理寵出其不意示以無生遂拔螿以先登並銜  
枚而疾進或跨鹿頭之塞徑達成都或踰鷄首  
之梁長圍闔內旌旗所指祇聞風行雷擊之聲  
金鼓方鳴卽見土崩瓦解之象血流漂杵京觀

等于峨眉骨載專車降甲齊于熊耳淮西雪夜  
羣喧鶯鴨之池隴首霜天盡復魚鳧之地聞風  
聲而却走王衍投纆望月影而揚鞭吳曦受縛  
三軍鏡吹新翻巴夔之歌百姓壺漿爭獻郫筒  
之酒錦官城上刁斗無驚玉女臺前耨耨有喜  
是皆

皇上聲靈震疊賞罰嚴明布大武之三會殪小戎于  
萬里從此過師枕席懸戰鼓于銅崖摧敵鴻毛  
勒銘碑于鐵柱西川父老重傳諭蜀之文南詔  
官司還紀平蠻之績休哉大定永矣丕基臣幸  
侍朝班欣聞凱奏謹拜手稽首而作頌曰  
於鑠

皇清克配

上帝日月所照霜露所隊莫不尊親凡有血氣東漸西  
被朔南訖暨

一人首出時乘六龍誕敷文德者定武功四方無拂  
萬國攸同乃命止戈撤彼藩封蒞封誰何實起  
莊躋弄兵滇池期不奉

詔東甌既從南越是效三葉連衡私立名號亂之初  
生阻爾絕域亂之又生訖及四國據我漢川侵  
我江邑犯我秦關蕩我楚澤

天子曰咨聽予誓辭小腆不靜其要囚之敕乃甲冑  
樹乃旄旗爰戒宗子張皇六師乃伐建陽建陽  
率服乃臨番禺番禺來屬慕爾蠻邦獨竊巴蜀  
愚哉尉佗黃屋左纛天討有罪罪人斯斃渠魁  
既殲羽翼猶熾安有慶緒史有朝義少誠之後  
尙存元濟

王用出征如震如怒進厥虎臣闕如虓虎重以推轂  
奮其執鼓戰勝朝廷折衝樽俎桓桓上將左右  
陳行元戎十乘用詢仇方出自南鄭底于寧羗  
棧閣既度岷嶓是疆大蓬小蓬大劔小劔地險  
雖設天威何憚萬里橋邊千秋洲畔肉薄蟻登  
腹攻魚爛褒斜間道遂出龍門巴山席捲潼水  
盃吞朱常日耀黑甲雲屯塵飛宵遁嚮起朝奔  
五嶽摧枯千鈞壓卵秋籜隨風春蟻赴火偽帥  
銜刀兇徒就鎖東馬軍前牽羊道左將軍下令

不殺良民三都萬戶盡作

王人市廛無恙樓櫓重新黃童白叟歌無死成羣露布

遙傳一月三捷受朕獻俘

九重嘉悅救民水火取殘饑渴告于文八銘此功烈

釐爾圭瓚礪爾戈鋌覃及鬼方一統幅幘爰開

明堂載奏管絃臣拜稽首

天子萬年

平瀆頌有序

長洲 尤 何晦菴

皇帝御極二十年

命大將軍貝子章泰綏遠將軍總督蔡毓榮等統滿

漢官兵討雲南逆孽吳世璠

詔若曰此窮寇不足膏齋斧兵法攻城為下勿肉薄

傷士卒殄及平民其築長圍困之必自斃自二

月至于十月城中食盡眾皆譁我師進克子

城世璠蹙自剄偽黨開門降迎

王師以人百姓前歌後舞壺箎載道或相與垂涕曰



不圖今日復爲

王人見太平也。幕府上露布至京。宣提午門外羣臣咸拜手。殿言曰：於錄哉！此非師武臣力繫

一人如天之福。無疆惟休。蓋自三桂倡亂。八載于茲。踞滇爲窟。狡焉啓疆。竊我黔陽。陷我巴蜀。封豕長蛇。薦食三楚。波及豫章之界。蹂躪我城郭。瘡痍我人民。不寧惟是。又招八閩。勾兩粵。誘我蝨賊。以蕩搖我邊疆。東南蠢動。靡有寧宇。于是天子赫怒。禡牙誓師。大發禁旅。并良家曠騎。連營百

萬。度支轉餉。半天下。舳艫牛馬。終夜有聲。鉦人伐鼓。一月三捷。大憝稔惡。天用勦絕。其命賊徒駭潰。閩越之人。震懼流汗。匍匐乞命。

朝廷下制書。賜尚之信死。以尺組縛。耿精忠致闕下。二方底定。播猶不悛。收合餘燼。自竄叢棘。孤雛腐鼠。保首領之不暇。卒取覆亡。爲萬世儆。其伏罪亦已晚矣。夫以堂堂

天朝。踴躍用兵。殲厥小醜。摧枯振落。何憂不克。然當其始也。一夫抗命。三孽連衡。若火之燎于原。不

可撲滅以

皇上天威率其股肱心膂之臣熊羆虓虎之佐運籌  
帷幄折衝樽俎一戰而舉荆襄再戰而收衡永  
西師絕連雲之棧跨劍閣搗成都東師破辰龍  
關席捲貴竹直抵苴蘭城下摩旗點蒼之壘飲  
馬盤龍之津風馳電掃谷靜山空自征伐以來  
未有驅除若斯之速者也且滇雖一隅僭始莊  
蹻閉嵩昆明不通中國蒙社并有六詔蠶食茲  
大鄯趙楊干號令三嬪終歸段氏追元始入版

圖明遂郡縣其地然以世祖之雄畧頽京西平  
之壯謀加以十一總管三宣六慰而伯忽舍利  
畏造變于前阿資思任構釁于後蠻爭觸鬪口  
尋干戈何者夜郎不知漢大聲教阻絕嗜殺怙  
亂其習俗然也况叛臣教之嘯其兇族逆我顏  
行驅市人于鋒鏑朝箕暮斂糜爛其室家此邦  
之人水深火熱嗚嗚然延頸待救若枯旱之望  
雨今

陛下義征不庭提赤子出沸羹之中使登衽席翫人

漢人回首面內胥沾闡澤甚盛德也雖虞帝之  
格苗民殷宗之克鬼方何以加焉然後振旅而  
還告。

廟獻俘班朝飲至勳庸銘于鼎鐘名號昭于史冊不其  
復乎于是

天子沛然改容曰予一人敢不荷

天之寵承

祖宗三后之慶顧自軍興宵旰不遑諸大夫勤勞于內  
諸將士暴露于外烽燧所至毋乃驚懼子弟憂

患長老其傳飛斐輓粟疲于奔命者不可勝數  
朕心閔焉賴

社稷之靈以遏亂畧罪人斯得庶幾息兵革嘉與海內  
更始其頒爵賞蠲賦役赦殊死以下天下聞之  
僉謂

皇上武功赫赫既如彼文命洋洋又若此博恩廣施  
遠撫長駕車書混一符瑞響臻道侔乎乾坤德  
隆乎三五雖鳴和鑾奏雅樂封泰山禪梁父夫  
何惡哉小臣何備官珥筆退而作頌一篇爰揚

至尊之光烈。用告太師歌。以舞萬其辭曰。

皇清受命。歷無疆。王暢九垓。下八荒。大共小球。皆來

王。北至肅慎。南越裳。

天子穆穆。坐明堂。載櫜弓矢。秉圭璋。蠢爾強藩。何跳

梁。射天逐日。肆披猖。二豎從之。同領狂。彭彭大

車拒螳。蝦吾

皇一怒成神。張手麾白旄。掃檣槍。鑿門推轂。授斧斨。

礪乃鋒刃。峙糗糧。雷輜星駟。啓戎行。勢同猛虎

驅跛羊。大首旣隕。羣孽亡。遂挽彭蠡。迴瀟湘。蠶

叢鳥道。關康莊。木瓜金筑。歸疆場。競牽鐵索。渡

澗滄。井蛙遺息。走且僵。藐如山鬼。伏箒篁。銅鼓

一鳴。竟晷喪。長鯨就戮。短狐戕。前徒倒戈。爭投

降。君子小人。籠壺漿。竹王祠下。迎三郎。六軍齊

轡。臨城隍。鞭指印竿。揮冉駹。牂牁呵。吁遙相望。

碧鷄晝啼。金馬驥。彩雲飄颻。昆池旁。平填洱海

成田桑。市廛不改。擾耒耨。長夔僮。唱歌傳白狼。翠

毛象齒。貢梯航。捷書飛羽。奏明光。

天顏有喜。夜未央。百工來賀。舞且颺。

帝曰嗟咨心如。傷賊臣不道。犯天綱。良民何辜。罹池  
 殃。居者裹首。行羈韁。哀我人斯。亦孔將刑。獄幾  
 何念。析楊錢穀。幾何問。倉箱亟放。赦令覃恩。章  
 后以誥。命施四方。乃開石室。紀太常形。弓盧矢間。珮  
 囊龍旂。和鈴儻革。鷓朱鷺。銑吹登廟。廊職万會。  
 同統萬邦。王道蕩蕩。臻平康。大武止戈。佳兵藏。  
 逝將歸馬。華山陽。功成治定。禮樂彰。秩宗黼黻。  
 夔笙簧。龍圖龜書。出低昂。遨遊麒麟苑。鳳凰黑  
 炬黃。葵光豐穰。青芝赤箭。呈禎祥。仰觀玉燭。俯

金湯美哉丕基。巨皇唐宜升介丘答

穹蒼云云亭亭風雨翔。金泥玉檢書輝煌。探策占之壽

永昌。

皇清受命歷無疆

康熙四十四年四月初九日

皇上南巡駐蹕西湖行宮

恩賜御書恭紀

章藻功

皇上聖由天縱

見論語

德乃日新

書仲虺之誥德

包九

舜而出十堯

沈約表道包九

應三台而乘六氣

虞思道表萬靈翹首應三台以世躋仁壽漢禮

西巡兩儀貞觀乘六氣而東指

驅一世之民躋而憂以民憂見孟時值平成大書

之仁壽之域禹謀地而溺由已溺見孟蓋濁流未順水經注

平天成者衆川之流恐妨日作於田古擊壤歌日出而

蓋濁之也麗體金膏卷一 六

而飲耕  
田而食

清問

書呂刑皇帝

爰風星言之駕

詩酈風星言

核水經而似多疑義

按桑欽作水經酈道元作水經注放禹

貢而慮有缺文

按禹貢夏書篇名

拜颺者咋舌而嗟

稷鼻陶拜手稽首颺言曰後漢馬援傳豈有知其無成而但萎腰咋舌又手從族乎別無

籌策

前漢爰益傳益雖居家問籌策

昏墊者剝膚之切

書益稷浩浩懷山襄陵下民昏墊易剝剝牀以膚切近災也

仰藉訐謨

詩大命察順道之情度高卑之勢或則疏或則濬

九派同流

郭璞江賦流九派乎蕩陽亦既治亦既安一勞久

逸

班固燕然山銘茲所謂一勞而久逸暫費而永寧者也

地真安土洵仁

者之能敦

易繫辭安土敦乎仁故能愛

海不揚波知聖人之

有在

韓詩外傳成王時越裳氏重三譯而至獻迅風疾雨也海不波溢也三年於茲矣意者中國始有聖人盍往朝之舳舻相屬

郭璞賦舳舻相屬疆畔其修

周語修其疆畔日芻屬萬里連橋飛粟輓而前

前漢主父偃傳又水耨火耕而集

史平準書詔曰江南火耕水耨陽侯致命

淮南子糾渡於孟津陽侯之波逆流而擊注

一清之瑞

斯徵拾遺記黃河千年一清兆姓依懷五位之

飛利見

易乾九五飛龍在天利見大人顧望雲就日 史五帝記

仁如天其知如神就識有喜之

天顏

杜子美詩天顏而路斗連牛 浙江通志天文信

無私於地載

禮孔子聞居天無私覆采菲葑而

化被草木

詩擗風宋葑采菲無以下體周興

鳥獸而信及豚魚

書伊訓暨鳥獸魚鼈咸若易

如彼江河自然行地

見孟子緣知閭闔定是同天

張衡西京賦表曉闕於紅桃夾岸如屏輕搖彩

間闔注闔闔天門也 俠翠柳長條似帶低拂牙檣掃塵最好風微南

子令雨師灑道

澄練怡逢江靜

璧社珠盡光含

揚州府志高郵院社湖孫莘老

湖求之見一大

春暖吳江楓纒華吐

負嘗矜其文謂過李百藥鄭世翼遇信明江中

謂日聞公有楓

落吳江冷願見其餘南方草木

華發乃著實

駕湖過處樓中則雨霽烟消

府志駕鸞湖府城南一名南湖中

鶯嶺傳來門

外則香飄桂落

宋之問靈隱寺詩鶯嶺巒岩巖

浙江潮桂子月中

龍飛鳳舞

落天香雲外飄

郭璞載天月山垂

到錢塘

兩乳長龍飛鳳舞



萬乘雲

郭璞南郊賦百寮山立萬乘雲紫

翼附鱗

法言攀龍鱗附鳳翼與以

揚之勃勃乎

千官花覆

杜子美詩花覆千官淑景移

蓬山彈

其不可及乎

壓

列子勃海之中有壑焉其中有一山一日岱輿二日員嶠三日方壺四日瀛洲五日蓬萊其

山高下周旋

三萬里

所

峯自此而難飛

居之人皆仙聖

之種

界乎靈隱天竺兩山之間晉咸和元年西僧慧理登而歎曰此是天竺國靈鷲山之小嶺不知何以

飛來

泰谷溫和

劉向別錄燕有谷寒不生五穀謂之

故謂之

泉從茲而勿冷

北出者九一曰冷泉固

已獻芹負日

過冬

暨春東作自曝於日不知天下之有廣廈與室綿纈狐貉顧謂其妻曰負日之贖人莫知者以獻吾君將有重賞里之富室

告之曰昔人有美戎菽甘泉莖芹萍子者對鄉豪稱之鄉豪取而嘗之哲於口慘於腹眾哂而怨之子此類也稽康絕交書野人有狹炙皆而美芹子者欲獻之至尊雖有區區之意亦已疏矣

由浙西以暨浙東

按浙江屬府十一浙東八浙西三

草從風

見論

合江南而訖江北矣乃者昌時申

甫周翰

詩大雅維申及

盛世鄒枚梁園並

集

謝惠連雪賦梁王不悅遊于兔園

會從

行在

三輔黃圖天子以四海為家不以京師宮室居

處為常則當乘車與以行天下車輿所至奏事

皆日

行在

特召承明

待詔承明之庭

雲出輕藍

前漢楊雄傳召雄

麗體金膏卷一

事類賦段氏

主

式與溫庭筠雲藍紙絕句序云予在九江出意  
造雲藍紙既乏左伯之法全無張永之功輒分  
必五分給尚書之札前漢司馬相如傳請為天

筆湖橫遠碧須來

天子之題

原註四月初六日

行宮召試進士出身

橫之句七律一首留取四名一徐御製野望湖邊遠碧

唐左右二史分立殿下直第二螭列坐螭頭要

首和墨濡筆即螭首均處號螭頭則妍辭競騁

雪賦授簡于司馬大夫曰抽子秘思輕移雉尾

騁子妍辭俾色揣稱為寡人賦之則

崔豹古今注雉尾扇起於殷世高則

宗時有雉雉之祥服章多用翟尾

御覽親評詎落紙以如飛景龍文館記中宗正月晦

日幸昆明池賦詩群臣應

制百餘篇帳殿前結綵樓從臣悉集其下須臾

紙落如飛各認其名而懷之既退惟沈宋二詩

不下又移時一紙飛墜取而觀乃沈詩也及

開其評曰二詩工力悉敵沈詩落句詞氣已竭

宋猶健舉沈乃幸揮毫之自在杜于美詩朝罷

伏不敢復爭在香烟攜滿袖詩

成珠王雖風雲月露無裨賡歌北史李諤傳謬

在揮毫以時文體尚輕

薄上書曰連篇累牘不出月露之形積案而甲

盈箱盡是風雲之狀書益稷乃賡載歌曰而甲

乙丙丁敢嫌次第王禹偁稱其文與孫何可比

韓柳名遂大振既而何冠多士謂占第四自以  
與何齊名耻居其下臚傳之際殿下有言上顧  
問其姓對曰姓丁上曰甲且也餅自大官而賜  
乙丙丁合居第四復何言且也餅自大官而賜  
絕勝紅綾洛中紀異唐僖宗幸南內興慶池泛  
麗體金膏卷一

進士在曲江聞喜宴上命中官以餅馳賜之故  
徐演詩曰莫欺老缺殘牙齒曾喫紅綾餅飲來  
後漢百官志大宮令一  
人本注曰掌御飲食  
王維敕賜百官櫻桃  
詩中使頻傾赤玉盤  
私心飽德以酒既飽以  
德屬目榮觀矧

宸翰之上騰即

天章之下賚鸞驚鳳舉難以形容

岑文本奉述唐太宗書勢詩六文開

王象八體曜銀書又鳳鳥頡魚頡於何贊頌  
舉崩雲絕鸞驚游霧鍊  
帝古跡啓游霧重雲傳敬禮直超晉始服一臺  
之法鳥頡魚頡表揚泉之賦  
二妙以中心首衛瓘傳瓘學問深博明習文藝與尚書郎敦煌索靖俱善草書時

人號為一臺二妙

若論唐初退八體六文而北面

見上

彼太宗之學虞監徒云戈法逼真

法書苑唐太宗學虞監隸

每難干戈法一日作戩字召世南補寫其戈以示魏鄭公公日仰窺聖作內戩字戈法逼真帝賞其鑒縱逸少能追元常書斷梁武帝云子敬之追元常追元常不追逸少猶逸少之不常要是

御書難得天邊錫予不啻路車乘馬之榮

詩小雅君子來朝何

錫子之雖無子日下攸同寧殊偉革和鸞之盛  
之路車乘馬  
詩小雅偉革冲冲和  
鸞離離萬福攸同  
臣藻功玉笋新班唐李宗  
貢舉所取多知名  
軼花初直翰林故事學士院  
士世謂之玉笋  
軼花初直北廳前階有花軼

道冬以日影過五方蓬池兮倖廁李德裕詩荷

唐學士初上賜食旋梓里以造歸韻府稱鄉

紫陌之紅塵賈至詩銀燭朝天紫陌長班固

年夢繞隨黃童與白叟韓昌黎文黃童萬歲歡

呼漢武帝紀親登嵩高御史乘屬袖攜則饒有

香烟見上筆落則乍聞風雨杜子美詩筆邁劉

德昇草行之法書輯劉德昇因隸法掃地而真

不真不草謂之行書兼直寫施肩吾蘭渚之詩

原註賜詩計二十二字家在洞水西身作蘭渚

吾之察臣淨以居心纖雲不教點綴念臣拙於

應物空江且自安閑選出唐音何如謨與按虞

堯典舜典大禹捧來謨臯陶謨益稷

聖蹟儼若球圖書顧命大王發王夫寶鏡錯鈞

千秋鏡應制寶鏡頌神節疑規寫聖情東觀漢

記揚賜以病罷居無何拜太常詔賜御府衣一

壺革帶金錯鈞佩猶誇寵錫素屏錦被

賜玠曰君有古人之風故賜君右人之服謝承

後漢書朱寵為太尉家貧食脫粟飯臥備極恩

榮而况龍跳兼虎臥之奇書斷蕭思話書走墨

跳天門虎舞鶴盡飛鴻之致書評梁武帝評鍾繇書如舞鶴遊天

飛鴻九重天上楚辭九辨君擲作金聲晉孫綽戲海

天台賦成示友人范榮期五色雲帟社子美詩

日卿試擲地當作金石聲良書字尺璧何曾足

常五飄將玉潤墨藪褚遂良書字尺璧何曾足

重帝王世紀禹不重徑尺此真實貴千秋寸珠

未必皆珍史田敬仲完世家梁惠王曰若寡人

乘是乃騰輝萬里喜而裝潢唐六典崇文館明

良志上下之交書益稷元首明哉股肱良哉必

以縹囊昭明文選序詞人才光燄恃子孫之保

瀛臺賜宴詩序

宜興陳維崧其年

粵以歲次重光支逢作鄂三皇紀十干內辛為重光十二支內酉為

噩作

皇帝方居清暑之崇臺御招涼之邃館用頒大酺式

讌群工漢紀文帝賜酺五日註大酺若夫路入

東華橋通西苑沙偏泥泥詩零露秋未露以何

晞詩湛湛露斯樹只騷騷夜不風而自響張衡

賦寒風淒其永至今拂雲此之騷靈微殘月銀

弓猶挂於高城錯落疎星珠斗尚斜於遠岫見

賦。坐。平。沙。之。似。毯。肅。侯。傳。呼。藉。嫩。卉。以。如。羅。透。

憑。宣。喚。少。焉。赤。烏。毬。躍。見。璿。賦。魚。鑰。爭。鳴。芝。田。錄。

以。魚。者。取。其。日。不。曠。用。也。丹。鳳。書。啣。春。秋。元。命。苞。火。離。為。鳳。皇。

御。書。遊。文。王。之。都。故。龍。樓。蚤。闢。見。滕。人。喔。喔。

武。王。受。鳳。書。之。紀。飛。繡。鞞。以。遄。催。周。禮。雞。人。夜。呼。且。以。臨。有。官。註。

中。晨。雞。喔。喔。虎。賁。駢。翼。珠。珂。而。並。入。周。官。虎。賁。氏。掌。鎮。虎。士。入。

百。人。軍。旅。會。同。君。宿。于。外。則。守。王。閑。詩。駢。駢。征。

夫。爾。雅。珂。飾。馬。具。梁。簡。文。行。馬。詩。晨。風。白。金。絡。

桃。花。紫。紅。門。窈。窕。水。面。已。維。青。雀。之。艘。見。

賦。紫。掖。透。遲。官。紫。禁。紫。闈。紫。掖。殿。日。紫。宸。京。都。

之。衢。日。紫。陌。柳。絲。先。隱。黃。龍。之。舳。見。滕。俄。傳。汎。

透。遲。載。詩。珽。盡。許。登。舟。斯。時。也。太。液。波。紅。一。奩。鞞。鞞。者。大。

夜。池。在。建。章。宮。北。唐。寶。記。鞞。鞞。國。產。上。林。烟。碧。

紅。寶。石。大。如。巨。栗。中。國。因。名。鞞。鞞。上。林。烟。碧。

滿。幃。玻。璃。千。乘。萬。騎。名。果。樹。二。千。餘。種。按。始。皇。

建。在。渭。南。苑。內。漢。因。其。名。黃。山。谷。黃。頭。擁。畫。楫。

詩。画。山。西。樓。一。燈。秋。註。猶。一。幅。也。黃。頭。擁。畫。楫。

以。平。搖。名。史。記。鄧。通。以。擢。舩。為。黃。頭。郎。長。鬣。

撥。蘭。橈。而。競。發。之。敗。吳。獲。其。乘。舟。餘。皇。吳。使。長。

鬣。者。三。人。潛。伏。舟。側。日。我。呼。餘。皇。則。對。師。夜。從。

之。取。餘。皇。以。歸。楚。詞。桂。棹。兮。蘭。樅。便。信。詩。蘭。橈。

洲。遊。秋。干。衫。艾。葉。見。賦。吹。水。蓼。以。彌。鮮。萬。綬。桃。花。

見半雜風荷而倍嫵。鷓鴣啞啞。四圍皆王母靈

禽。相如上林賦。交情旋目。註鷓鴣晴交而孕。說

名。錦鳳其色青多。紅少。謂之綉鸞。常從弱水西

來。或云西王母之禽也。漢武故事。七月七日。忽

有青鳥飛集殿前。東方朔曰。王母欲來。竹栢微

有頃。王母至。青衣相隨。乃先二鳥也。

苑一片恣嫦娥寶樹。詳徐中流遙矚青為好時

之田。秦紀。始皇東遊。祀八神。于太山。梁父。以天

四時。漢極浦凝眸。見勝黃是昭陽之瓦。詩。皇誰

知。帝室皇居之畔。別自成村。必音非常之寶。未審南

唐北宋之間。疇工此畫。三唐紀。前唐自高祖。歷

唐自莊宗。歷四主。三十九年。南唐烈祖。都金陵。

傳。璟煜共三十八年。宋紀。北宋自太祖。至欽宗。

百五十二年。按南唐。北宋。多名畫。一行到瓊樓。

玉宇天上晴多。王子年拾遺記。翟天師。乾祐嘗

樓。玉宇爛然。數息。除將鳳船龍舩。世間秋少。隋

後。時不復見矣。楊帝遣陸士澄。往江南。採爰乃停彩竿。弭牙櫓。

木造龍舟。鳳船等數萬艘。漢鼓吹曲。桂樹為君。船青絲為君。竿。釋名。引舟

者。曰竿。梁王淡思。歌象牙作帆。檣。註。檣。帆。柱也。

陟坡陀。沿峭嶠。不平貌。嶠。嶠。見滕王賦。註。屢遵

輦路。距帳殿。以非遠。幾折。綠垣。隔幔城。而不遠。

沈約詩帳殿臨春御石林燕語宋殿廬山呼以

幕行時微而載之帳殿輾城皆行幕也

拜魚貫而前漢紀武帝登嵩高山御史屬車在

稱山呼本此易時則瞳矐綺旭赭袍隨繡織交

貫魚以宮人籠時則瞳矐綺旭赭袍隨繡織交

輝廣韻織絲綾為蓋日織赫彤霞

御榻屹花磚相向唐書學士入直忽觀紛綸之狀陳

於殿廡之間夫其疊繪成峰吹紈散霧千端霜

雪割完碧海之綃述異記南海有鮫人水居如

幽州司馬往渤海遇水神遺之鮫綃乃自賚以

進明宗于海暑百筐雲霞取盡平陵之彩見滕

時如對霜雪

庾信謝賚絲布啟平陵夜月驚聞擣衣郡國志

梁州女郎山張魯女浣衣于石上女便懷孕生

二龍及女死將殯樵車忽騰此山遂塋焉其水

旁浣衣石猶在後平陵城有女郎山祠按扶風

及濟南郡歷城縣山西汶水鶴頭綾織白尚衣

縣江南溧陽縣俱稱平陵

三殿齋來五福釦窠

九重飛下三殿九重瓊瓏單複擬綺毳以逾溫周禮

畫虎雖毛註粹蔡縱橫見半笑豐貂之未暖雖



使量來玉尺莫罄恩長

晉書荀勗暗解律呂因正雅樂阮咸心謂不調

勗忌之後有耕者得周時王尺荀以棧已所制樂制皆短一黍于是服阮神識並詳九日序

縱令負用銅仙難勝賦重賦見勝王何期畫永月

墮懷中詎信秋初春還神底擎來水淚鴛鴦解

妬以增啼古詩文綵雙鴛鴦捧向林皋孔雀生慚

而輟舞齊書文惠太子織孔雀毛無何而雁翅

筵排補魚鱗幄比屋今龍堂沙明水淨飄颺張

緹幕三工天迴堤平重疊烈華裯十二紅蘭壓

架恰照文廊別賦見紅蘭之受露李義山詩玉砌街紅蘭者掌成叢

偏搖繡帳銀疊居濯翠釜云調杜詩紫駝之峯出翠釜然

而羊膻雉醢未便稱珍說文肘下曰膻鴨糲鷄

織何由示美說文拊也即今檄子九歌濕即

或弋來紫鵠落雉永於雲端獵得黃鵠致羶蕘

於海外兩雅麇屬亦謂黃羊周禮註羶羨湘

錦帶餅裹紅綾柱詩滑憶雕胡飯香聞錦帶羹

嫩脆詩于以湘之詩烹也唐紀帝幸南內興慶池方食餽時進士在曲江有聞喜宴命御厨

欺老缺殘牙齒曾喚紅綾餅餠來牢九既弱似

飛綿薄夜亦柔如積素東哲餅賦可以通夕達夏四時咸宜者其惟牢

丸乎爾乃弱如春綿白若秋練氣勃鬱以揚布  
 香飛散而遠遍段成式食品有龍上牢丸湯中  
 牢丸子瞻誤為牢九荀氏列饌傳春祠抑猶未  
 用饒頭夏祠以薄夜代之註餅屬也音史初元  
 足以誇禁穢之朕而奪侯鯖之麗也帝公私交  
 窘得狹以為美項上一鸞尤佳輒以薦帝呼為  
 禁穢西京雜記王氏五侯不相能賓客不得來  
 往婁護傳食五侯間盡得其歡心競致奇膳紫  
 護台以為鯖字林鯖雜肴也煎和五味之名紫  
 爾臣僚夙厭江河之味惟茲卿尹半居魚稻之  
 鄉倘遂庖虛鮐鯉易用為歡若其狙乏鯨鯢安  
 能取飫獻師芳餌乍垂綸於百子池頭周禮獻  
人春獻  
王鮪陰符芳餌之下必有懸魚三輔黃綸漢上  
林有池十五所武帝于七月七日離百子池作

于闐樂 養學雕盤旋斫鱠於九成宮外唐書上賜  
學士食日

蓬池鱠山谷書跋元章為余斫霜鱠宮闕疏隋  
 揚素作仁壽宮後以犯隋文帝諱改九成宮唐  
 太宗後修 假之雷雨銀鬢颯爽以能飛劑以鹽  
 以避暑

斫錦鬢軒騰而欲動李詩雙鯉呀呷鬢鬣  
張撥刺銀盤欲飛去於是  
 頻頌瑤筍滿瀝金觥百壺急送風前之喝蓋參

差杜詩百壺那送酒如泉陶成九日宴享三雅  
眾樂皆作謂之喝蓋元制有喝蓋之儀三雅  
 橫飛樹底之行杯絡繹東觀漢紀今日歲首請  
雅壽註雅酒開也曹不

典謝劉表子弟制酒器三雅 酒痕縹碧都精學  
 大者雅次中雅次季雅  
 士之袖曹植賦蒼梧縹清註綠酒也劉楨賦憑  
影王之几酌縹碧之樽隋書王績待詔

日給酒一斗號斗酒學士釀色舊黃杜詩鷺兒齊上參軍之

袂補註按桓温有主簿善別酒佳者漏沉乳箭

張衡刺漏制以干亂叶施水浮尋日影之將斜

風捲鷓鴣班詳銀倏珮聲之蚤散重申

天語倍荷

皇慈堯階林舞水藕堆空文囿趨陰碧蓮委地盈襟

菱芡橫拋與慶之宮闕志開元二年以宅共駕綺以續紛見水携出銅龍見滕王賦駭裝寶馬

一握蒲桃亂灑平陽之銀豆平陽見駭裝寶馬

共駕綺以續紛見水携出銅龍見滕王賦駭裝寶馬

註門樓上滿鳳城為歡笑李原泰穆公女吹簫

城其後言京都九衢迎問何來方朔之桃陳暄

陽九衢上漢武內傳東郡獻短人指東方朔曰

西王母種桃三千年結子此見已三過偷之矣

萬戶傳觀不數河陽之菓詳藝圃序註按臣綴

微班猥叨異數才慚鮑俊蒲岳為河陽令臣綴

清新度開府俊逸鮑參軍文選班香芍藥奏橫

汾之曲杜牧詩濃煎班馬香李樓啟宋艷班香

蕭鼓鳴兮發棹歌按舊補芍藥錦名詳三芝序

進

呈類函表

經筵講官文華殿大學士兼禮部尚書今致仕

臣英經筵講官刑部尚書臣士正經筵講官吏

部左侍郎兼翰林院學士臣揆內閣學士兼禮

部侍郎臣榕端等謹

題遵

旨纂修類函一書今屬稟告竣謹進

呈者伏以群言浙澁爭充棟而汗牛萬象散殊貴

分條而晰縷。鄭福地張茂先所未全。窺津逮。積書。酈道元所曾觀。記遠溯黃初之皇覽。久失流傳。近誇永樂之秘函。亦多鈇略。石渠虎觀俱詳古而略今。玉檢金泥。誰鏤雲而繪月。縱橫萬里。上下千年。考索難周。校讐未核。伏遇

皇帝陛下。

睿思天縱。

聖學日新。

神功則繼武經文。

景運則參天貳地。

宵衣旰食。勤綜攬於萬幾。

目覽手批。聚精神於四庫。凡金匱石室之藏。靡不探原竟委。卽古史種官之列。亦皆按部就班。謂類書從無善本。惟唐類函略稱贍備。宜推其體例。漱潤增華。蓋類函所錄。本於虞世南北堂之鈔。歐陽詢藝文之纂。初學記雖約而有則。白孔帖終駁而未詳。摭摭止及初唐紀載。非關內府。

而且各自爲編不相統攝揆諸體制未盡陶鎔  
臣等祇受

成命恭率翰詹諸臣商確凡例臚列區分益以他書  
句櫛字比諸凡日星河岳部次貴於精詳禮樂  
兵農制度求其明備以及禽魚草木罔不搜羅  
道德性情更加闡發踵孔門文學之科究歷代  
圖書之府雖抱殘守缺未能力致五車而落實  
取材竊擬日探二酉非徒摭割言工不數餽飭  
爲富故首以音義明辨總載提綱而典故次之

事對又次之單詞隻句有可采錄另爲一條不  
敢放失至於詩賦雜文則辨體標目刪繁就簡  
有節取之義焉譬夫翦裁在手集千腋而成裘  
組織任心緝五絲以爲采庶幾方名象數幼學  
者展卷神開理幹文條曠覽者含毫色喜李商  
隱可無獮祭之勞虞秘書并省行厨之脚然諸  
臣既非成于一手臣等復荒謬而何知望漏滋  
多魯魚不少置諸絜几之旁敢道筮黃六籍雜  
在芸編之末差言會萃百家恐猶學府之糠粃

書倉之管蒯伏冀

文光奎照

大度海涵

矜載筆之陋儒管窺蠡測經

重瞳之

御覽日麗雲昭

帝錫嘉名便覺光騰萬卷

天開鴻製吏令賈重三都懸呂覽於國門賞頒一字

刊石經於太學歡溢九衢將見臨文洋瀚無俟

排沙以簡金隸事紛綸不啻街珠而噴去矣謹

謄寫彙本四百五十卷目錄四卷奉

表恭

進以

聞

康熙四十年十二月二十六日

經筵講官華嚴學士蕭燾同書致仕張英

經筵講官刑部尚書王士禛

經筵講官吏部侍郎兼翰林學士王士禛

拜觀集

內閣學士兼禮部侍郎張鑑

Blank columns for text on the right page.

陵表

謁

蒲田 鄭王臣

聖王隆報本之文合鄙忝江茅以展敬

哲后大奉先之義萃山車澤馬以呈祥金支秋麗和

風扇日蝟海壖寶甕夜零協氣溢璇源珠窟義

與於丞嘗禘祫歡洽乎南朔西東大喜是承兆

民有慶竊惟萬族本乎祖樂所自生孝子能享

親誠無不格苞符筆啟已垂假廟之文竹冊屢

更多有上陵之禮太昊宛邱之墓不獨衣冠文



王畢郢之遷已為墓祭迨至永平建武以後與夫開元景德以還莫不星梢雲畢魚雅而下璿階桂醕新燎懷愉以承玉豆然大興數舉雖歷久而彌章而禮意難明竟相沿而漸失丹徒之觀園寢祇在郊畿縣舍而祀祖宗本因觀省出遊而立原廟叔孫通遷就何多築臺以望獻陵魏元成箴規不少過沛橫汾頗覺漢王之草草東封西祀益嘗宋主之區區從未有道濟知周既民安而物阜義章志敬光地察而天明日羽

區區增龍塞苑城之景色露蕭鬱鬱聚鷓山鰈海之精神如今日者也茲蓋伏遇

皇帝陛下

德協欽明

功隆位育揮弦解慍馳膏雨而驛薰風刻玉來遊絜

珠囊而懸金鏡

堯仁已遍旁流於燭龍開景之鄉

舜孝彌殷對越在元鳥生商以上是屬

盛京星臨九子旁連箕子封疆天作三陵中有軒皇

弓劍乾開坤闔夾二氣以祭迴瀆鬼獄祇率百靈而守護瞻九九松柏遡

列聖均篤孝思拜奕奕几筵惟

文孫克承廟志遂移

仙仗恭奉

慈闈當萬寶之告成村村擊壤駕六龍以發軔處處迴

春盡蠲所過之輸將無費吾民之供帳玉衣鐵馬儼陟降於三天烏弋黃支效駿奔於六宇緝十倫之化大澤可待於下流備百順之名至仁

不遺於一物鳳儀駕楫樂以鼓瑟吹笙象譯鳥言錫以囊金鶴幣加以日月光華瞻雲愈麗源泉浩淼觸地成瀾土壁葛燈蘸金壺以貯寫青鷺黃鼠付玉管以鐫雕頌來槐棘重沾垂露之餘勒向瑤琨應繼卿雲之頌大孝備矣復允武而允文庶事康哉真無偏而無陂同江北鎮齊呼萬歲者三莢草神羊行與四靈而五臣等身厠清班才慚小相獻西都之策識愧齊賢紀東狩之儀博輸應劭豹尾翹車莫奏凌雲之賦螭

頭珥筆長懸捧日之心伏願

明德惟馨

無逸作所綠字。蘿圖往返崆峒之蹕。皂囊甲帳從容。宛委之藏。則陟降巘原。覲耿光而揚大烈。懷柔河嶽。覃解澤而酌衢樽。敷天肇造。績丕績於思文。率土攷釐。迓休祥於下武。繼封禪七十二君。尤握貞元之秘。後天皇萬八千歲。長為仁壽之君。

多羅質郡王臣永塔等奉

敕編纂四庫全書告成謹奉

表上

進者伏以

天璣甄度。書林占五緯之祥。

帝鏡懸光。藝苑定千秋之論。

立綱維於鼇極。函列雲珠。

媿刪述於龍躡。契昭虹玉。理符心矩。絜三古以垂

謨。道叶神樞。匯九流而證聖。治資鑒古德。洽敷

文臣等誠懼誠忤稽首頓首上言竊惟神霄九野大清耀東壁之星懸圃三成上帝擴西崑之府文章有象翠嬀遂吐其天苞繪畫成形白阜肇圖其地絡書傳蒼頡初徵雨粟之祥錄授黃神始貯靈蘭之典洞庭祕簡稽大禹所深藏柱下叢編付老聃以世守秦操金策聖籍雖焚漢埋珠囊遺經故在儒生密寶惟孔鮒之承家謁者旁求見陳農之奉使蚪文以後篇章自是滋多麟閣所儲條目於焉漸備杖吹藜火夜讎別

錄之編衣染鑪香坐校中經之簿王仲寶區其流別定新志之九條阮孝緒撮其叢殘括舊傳之五部勘書妙畫世摹展氏之圖捲幔飛仙史載隋宮之蹟唐武德訖乎天寶鈿軸彌增宋景祐繼以淳熙牙籤再錄南征俘玉元遷三館之幘北極營都明運十艘之櫓莫不前徵邃古丹壺溯合雒之蹤悲發空林青簡狃頻斯之篆西州片札辨點漆於將磨南雍殘文檢穿絲於已斷竹編未朽名認師春瓠本猶攜橐存班固爬

羅織碎或得諸玉枕石函掇拾畸零均給以螺  
丸麻紙精鏤廣購一篇增十匹之酬華贖重緇  
三品別兩廂之等凡以窮搜放失獵文林辨囿  
之精互鏡瑕瑜立聖域賢關之訓結德輿而韞  
韞軌順經涂俵學海以沿波源通道筏然而掇  
餘易匱四千卷既句殘膏鶩廣彌蕪百兩篇更  
珍贖鼎丹青失實或貽誚於王充朱紫相淆孰  
齊蹤於鄭默甚乃別風淮雨惜奇字而編韻或  
如許綠紉紅踵駁文而莫悟蘭臺度貯多如貯

改漆經棗板摹傳遂至誤尊閣本故祕書總目  
鄭夾漈復議校讎而文苑英華彭叔夏重加辨  
證從未有重熙累洽雲華懸紫極之庭稽古崇  
儒冊府闢丹宸之館彌綸宙合識大識小之無  
遺榮鏡登閔傳信傳疑之有準金模特建寶思  
周融如

今日者也欽惟

皇帝陛下

瑞席蘿圖

神凝松棟

播威稜於十曲。響震靈夔。

洽文德於四溟。兆開神鷲。

帝媯歌詠已題九萬瓊牋。臣向編摩更緝三千寶牘。

博收竹素仍浴天祿之名珍。比琳瑯永付長恩之守。乃猶尋端竟委湖支。絡於詞源。緯地經天。探精微於義海。昭陽韶歲。

特紬翰府之藏。永樂遺編。

俯檢文樓之帙。例取諸吳。興韻海割裂雖多。體宏於

孟蜀書林。蒐羅終富。榛楛宜翦。

命刊削其譌。言瀝液堪珍。

敕比排其墜。簡焦桐漆斷重膠。百衲之琴。古壘銅斑。

合鑄九金之鼎。復以羽陵靈剩。或有存留。宛委。

藏餘不無佚漏。十行。

丹詔徧徵。汲古之家。七錄緇囊。廣啓獻書之路。逸經。

斷策。出自大航。雜卦殘篇。發從老屋。錦帆振舵。

孟家東洛之船。玉軼飛輪。吳氏西齋之軸。鱗排。

玉宇。多王棨之所未聞。筍束金繩。率張華之所。

莫識光明繭紙朱題芸帙之名蟠屈鸞章紫認  
槐廳之印紅梨隔院曹司對設於東西青鏤濡  
香品第詳分其甲乙

大潢演派光連太史之河卿月澄暉彩接文昌之  
宿總司序錄叨楊億之華資分預校讎列任宏  
之清秩銀袍應

召驤雲路以彈冠粉署徵才記仙郎而題柱懷鉛握  
槩學官願效其一長切線割園博士亦研其九  
術遂乃別開書局特分署於

龍墀增置鈔胥競抽毫於虎僕圖與史竝陳左右  
粉本鉤摹隸與蚪兼備古今絲痕蠲扁曹連什  
伍各隸屬於寫官工辨竄良均精研於計簿提  
綱挈領董成者職總監修補闕拾遺覆勘者官  
兼詳定庀器預儲於將作棊几筠簾專餐徧給  
於大官珉糜珠餽溫鑪圍炭紋凝鶉鴿之青朗  
鑿涵冰色映玻璃之白花甃入直地同兜率天  
宮蓮炬分行人到娜嬛福地瓊箱牒送全搜勝  
囊惟蓋之餘

芝殿箴掛共刊木扇金華之謬程材效技各一一  
而使吹累牘連篇遂多多而益辦香霏辟惡擁  
書何止百城潘漬喻糜削橐寧惟兩屋譬入衆  
香之國目眩瞶於花光宛遊羣玉之峯神愕眙  
於寶氣豈但鴻都多士駭聞見所未曾實令虎  
觀諸儒辨妍媸而莫決所賴恭承

睿鑒提玉尺以量才仰稟

天裁握銀華而鑿物初披卷軸共掇零璣卽荷  
絲綸務礪完璧吳澄易翼辨顛倒乎陰陽楊簡詩音

斥混淆乎周漢稗官勦說刪馬角之荒唐譯史  
傳聞摘象胥之譌異醮章祈福發凡於劉跂之  
詞語錄參禪示例於齊惡之記固已南車指路  
陟道岸而衢亨

北斗旋杓揆文星而度正洎乎羣書大集品雜金沙  
聖訓彌彰鑿澄珠礫詰經忌鑿黜錯簡於龜文論史  
從公溯編年於麟筆立言垂體四明之錄必刪  
廣古評真五柳之名宜辨七籤三藏汰除釋老  
之編五蠹九姦排斥申韓之術毒深孔雀無容



校寫其青詞巧謝璇璣未許增添其錦字小山  
豔曲削香奩脂盞之篇金谷新詞刊酒肆歌樓  
之句凡皆詞臣之奏進誤點丹黃一經

聖主之品題立分黑白至於銅籤報夜

紫殿

勤披

玉案開緘

丹毫

親詠五家易說岐塗附闢其傳燈四氏書箋餘緒兼

詳乎括地前車後鑿陳風雅於經筵斜上勿行  
寓春秋於世本廬陵處士特申僭上之防安定  
門人太著尊王之義王元杰名同讞獄爲雲谷  
之重儻洪谷藝跡類探囊竊玉川之餘潘四箴  
誤註寧知顏巷之心二佛同稱轉隘尼山之量  
六經作繪全收諸楊甲圖中七緯成編知出自  
莊周書後五音分配篆文互備其形聲二史交  
參奇字各通其假借古香髓謁細辨班書碎腋  
穿連重刊薛史清流筆斲示鑒戒於東林正統

明尊存綱常於西蜀。派沿涑水。袁朱之新例。兼存俗記。扶餘。班范之訛傳。竝訂黨碑。再勒嗟。揖盜而開門。權燄彌張。曠教星而替月。西湖遊蹟。殊憐野老之藏名。北使賓筵。深陋詞臣之校射。宋鈔僅贖。蒐舊志於臨安。金刻稀聞。寶遺聞於貞觀。或攻或守。徒存十鑑之兵謀。相勝相生。未信五行之德運。建炎政草。媿彼中興。至正刑章。斥其左袒。李尊洛學。辨道命於天原。酈註桑書。剖源流於地理。史映詳摘。有逾漢雋之精。經笥

懸探。更勝曹倉之富。至於孔庭舊語。首定儒宗。蔡帳祕文。嚴排異說。范祖禹之帝學。真有淵源。曾公亮之武經。姑存崖略。橫戈危堞。節取陳規。握策靈臺。參徵蘇頌。等窮杪忽。九章研飽。澣之藏術。雜縱橫十卷。稽趙葵之撰。楚中隱士。互權韓柳之評。發郡名賢。不廢呂唐之學。臚登識記。衍洪範而原非。妄議井田。託周官而更誤。錢塘遺事。深譏首鼠。於宋元曲。洵舊聞。微憾操戈於洛蜀。繼聰有取。勿通方朔之言。指佞無難。慎聽

韓非之說陳思書苑列筆陣而成圖馬總意林  
舉詞條而擢秀黃伯思之博洽石墨精研孫逢  
吉之淹通雲龍遙溯多知舊事病歌舞之銷金  
一洗清波笑詞章之諛墓太平御覽徒粉飾乎  
嘉名困學紀聞偶抨彈其迂論晚唐小史八廚  
寧取乎卮言南宋枝談按鞫深嫌其曲筆十七  
卷騷人舊製更證以草木之名二百年吏部清  
吟特管其煙霞之氣兼推韓杜續來鳳翥之膠  
竝採郊祁擬以棠華之句文恭著作先歐尹而

孤行忠肅風裁抗蘇程而角立勤王畱守呼北  
渡者凡三殉節侍郎壯南朝者惟一學如和叔  
原不限以宗朱詩到儀卿乃轉嫌其入墨讀書  
祕閣明詹初論古之非從宦金淵賞仇遠耽吟  
之癖楊維禎取其辨統而頌莽則當誅劉宗周  
閔其完忠而吠堯爲可恕凡茲

獨斷咸稟

容裁蓋此同情實孚公義苞千齡而建極道出於  
天綜百氏以歸型言衷諸

聖權衡筆削事通乎春賞秋刑絜度方圓法本乎

乾規坤矩是以儀璘懸耀揆景晷趨鏞棧先鳴聆音

廣集鯨鐘方警厝蓬館以晨登鶴籥嚴關焚蘭

膏以夜繼披文計數寧止於萬七千篇按月程

功務得夫四十五日裁縫無迹先成綴白之裘

傳寫相爭齊炙汗青之竹架羅黃卷積盈有似

於漆箒几擁烏皮刊謄時防其掃葉畢昇活板

漸看字是排成曾鞏官書已見序稱校上加以

乾行至健

七旬之念典彌勤

離照無遺一字之褒譏恒審梁騶練士庚郵遞初寫

之函

雲輅巡方乙夜展重修之卷至三至再戒玉楮之遲

雕數萬數千摘金根之屬誤坤原為益兼收刊

板之訛辛或作羊細檢鈔書之謬毫釐不漏敲

旁添待補之戈塗駐必嚴羅上辨續加之罔削

除不盡時

飭以安下雌黃輪郭空存常

指其竟同曳白

明周繼芬共欽

睿照無遺報之微涓彌覺媿心生奮若夫考勤校情  
督課雖詳荷寵邀榮

恩慈實渥風雲得路先登或列於九官

雨露均滋中考亦賜以一級柏臺聯句聽鳳律之新

聲芸署題名踵麟臺之故事墨勻蝶翅祖帖雙

鈎帙簇龍紋

天書五色狸毛擢穎賦魚子之華騰龍尾雕紋融麝

煤之芳氣銀鬚翠管細縈百和之香錦披香羅

交映五明之扇繡囊委佩鋌貯朱提珍壽豐茸

帕裁白纓雕盤列飴果分西域之甘華俎嘗新

以勝東陵之種自

天宣賜多非夢寐所期無地酬

恩惟以文章為報周賅始末擬勒長編別採英華先

為縮本曩長庚之紀歲慶叶

高呼屬太乙之占祥象符奎聚八年敬繕挹古今四

庫之精兩部分僦合大小二山之數惟全書之

浩博實括羣言合衆手以經營倏逾數載。香薰  
蘭積方粗就而未終閣卷雲楣已先成以有待  
文河疏濬初如江別爲三筆海朝宗繼乃瀆增  
以四望洋無際慮創始之爲難登岸有期幸觀  
成之可莫較刪繁之別帙又閱兩年勤瘁總之  
鴻裁乃盈一部插籤分帙次按乎甲乙丙丁列  
架臚函色別其赤青白黑經崇世教貴實微而  
賤虛談史繫人心例誣詞而存公論選諸子百  
家之粹博收而不悖聖賢懲十人九集之非嚴

汰而寧拘門戶上浴虞夏咸挹海以求珠下採  
元明各披沙而見寶六千篋璋分圭合延閣儲  
珍二百卷部次州居崇文列目釋名訓義因李  
肇之解題考異參同近歐陽之集古事稽其實  
循文防誤於樹萱詞取其詳求益非同於買菜  
人無全美比量其尺短寸長語或微疵辨白其  
玉瑕珠類一經採錄真同鯉上龍門附載姓名  
亦使蠅隨驥尾元元本本總歸

聖主之持衡是非非盡掃迂儒之膠柱至其盈箱

積案或汗漫而難尋。復以提要鉤元。期簡明而易覽。譬諸典謨紀事。別行小序之一篇。類乎金石成書。先列諸碑之十卷。分綱列目。見義例之有條。按籍披圖。信源流之大備。水四瀛而山五嶽。俾此壯觀。前千古而後萬年。無斯巨帙。益非常之制作。天如留待於今。而希有之遭逢。人乃躬當其盛。叨司校錄。實忝光榮。臣等功謝囊螢。識同闕豹。鑽研文字。未能服望之通仙。延緩歲時。僅類翰通之食墨。仰蒙

訓示得聞六藝之源曲荷

寬容許假十年之限百夫決拾望學的而知歸一簣

成山營書嚴而幸就欣陳寶笈對

軒鏡之澄光恭進

瑤階同義圖之永寶從此依模范狀若疊矩而重規因之循軌知途益輕車而熟路先難後易一隅可得而反三誠始圖終百里勉行乎半九精心刊謨八行細檢朱絲協力鳩工萬指齊磨烏玉連綿告厥竣看四奏

天間迅速先期不待六更歲籥人文成化

帝機運經緯之功

皇極敷言

王路示會歸之準。觚稜雲構。窳窳乎銀牘。璇題方策。

星羅珍貴乎金管。水碧曰淵。日源曰津。日湖。長

流萬古之江河。紀世紀運。紀會紀元。恆耀九霄

之

日月竝五經以樹訓。道通乎丹書。綠字之先。合六幕

以同文。治超於元律。蒼牙之上。臣等無任瞻

天仰

聖踴躍歡休之至謹奉

表恭

進以

聞



